

## AVOUÉ L'MOLARDI

La famille z-è astâye a trâbla. On bousse a la peurta.

Le père : Itrâ... Eh, Dian l'molardi ! S'i va ?

Dian : Bin seur, avoué l'brâve utyuan qu'on a z-u !

Le père : T'arrive juste, on allâve cmenci. Te resteré bin mezhi les tartifles avoué nos ?

Dian : Oh, i pu s'fâre.

Le père : Fine, balye pi n'assîta, na coulyi et on couté. Apoué na foshta ! (u molardi) Pasque sta né, on sepe a la foshta !

Dian : Poué Fine, t'ublerés pâs on verre !

- *I mezhant.* -

Le père : Alo, tèqu'y d'nové pè l'canton ?

Dian : Eh bin, y a bin z-u du monde a la feira de la San-Blése.

(A la Fine) Balye me le tepin de mauda.

Le père : Poué me, le peivre et la sâ, i sant su l'trablâ déri te.

- *La Fine balye tot cen qu'y ant demandâ.* -

La Fine : Tlé ! Zhe m'en vé vos lâssi, zhe vé mettre lous pouyes u liet.

